



ქობულეთის მუნიციპალიტეტის საკრებულო

და დ გ ე ნ ი ლ ე ბ ა №-28

2011 წლის 12 აპრილი

ქ. ქობულეთი

ქობულეთის მუნიციპალიტეტის ტერიტორიაზე ადგილობრივი (ქონების) გადასახადის შემოღებისა და გადასახადის განაკვეთების განსაზღვრის შესახებ

„ადგილობრივი თვითმმართველობის შესახებ“ საქართველოს ორგანული კანონის 22-ე მუხლის პირველი პუნქტის „მ“ ქვეპუნქტის, საქართველოს საგადასახადო კოდექსის მე-7 მუხლის პირველი ნაწილის, „ნორმატიული აქტების შესახებ“ საქართველოს კანონის 25-ე მუხლის პირველი პუნქტისა და „სასოფლო-სამეურნეო დანიშნულების მიწაზე ქონების გადასახადის წლიური საბაზისო განაკვეთების დამტკიცების თაობაზე“ საქართველოს მთავრობის 2010 წლის 23 დეკემბრის №394 დადგენილების შესაბამისად ქობულეთის მუნიციპალიტეტის საკრებულომ **და ა დ გ ი ნ ა:**

1. შემოღებულ იქნას ქობულეთის მუნიციპალიტეტის ტერიტორიაზე ადგილობრივი (ქონების) გადასახადი და გადასახადის განაკვეთები განისაზღვროს თანახმად დანართისა.
2. ძალადაკარგულად გამოცხადდეს „ ადგილობრივი (ქონების) გადასახადის შემოღებისა და მისი განაკვეთების შესახებ“ ქობულეთის მუნიციპალიტეტის საკრებულოს 2011 წლის 11 თებერვლის №- 05 დადგენილება.
3. ეს დადგენილება ამოქმედდეს გამოქვეყნებისთანავე და მისი მოქმედება გავრცელდეს 2011 წლის 31 მარტიდან წარმოშობილ საგადასახადო ურთიერთობებზე.

საკრებულოს თავმჯდომარე

ნ. ბერაძე

ადგილობრივი (ქონების) გადასახადის განაკვეთები

მუხლი 1.

საწარმოსთვის/ორგანიზაციისთვის დასაბეგრ ქონებაზე, გარდა მიწისა, გადასახადის წლიური განაკვეთი განისაზღვროს მის ბალანსზე ძირითად საშუალებად აღრიცხული აქტივების (გარდა ბიოლოგიური აქტივებისა), დაუმონტაჟებელი მოწყობილობების დაუმთავრებელი მშენებლობისა და არამატერიალური აქტივების საშუალო წლიური საბალანსო ნარჩენი ღირებულების (გამოიანგარიშება კალენდარული წლის დასაწყისისა და წლის ბოლოსათვის აქტივების საშუალო ღირებულების მიხედვით) 1%-ის ოდენობით.

მუხლი 2.

საწარმოსთვის/ორგანიზაციისთვის ლიზინგით გაცემულ დასაბეგრ ქონებაზე გადასახადის წლიური განაკვეთი განისაზღვროს დასაბეგრი ქონების საშუალო წლიური საბალანსო ნარჩენი ღირებულების (გამოიანგარიშება კალენდარული წლის დასაწყისისა და წლის ბოლოსათვის აქტივების საშუალო ღირებულების მიხედვით) 1%-ის ოდენობით.

მუხლი 3.

სასტუმროს ქონებაზე, გარდა მიწისა, გადასახადის წლიური განაკვეთი განისაზღვროს მის ბალანსზე არსებული, ქონების ან ქონების ნაწილის, რომელიც გამოიყენება ეკონომიკური საქმიანობისათვის, საშუალო წლიური საბალანსო ნარჩენი ღირებულების (გამოიანგარიშება კალენდარული წლის დასაწყისისა და წლის ბოლოსათვის აქტივების საშუალო ღირებულების მიხედვით) 0.25%-ის ოდენობით.

მუხლი 4.

წყალკანალიზაციის სისტემის მომსახურე ორგანიზაციისათვის ქონებაზე გადასახადის წლიური განაკვეთი განისაზღვროს მის ბალანსზე არსებული ქონების ან ქონების ნაწილის, რომელიც გამოიყენება ეკონომიკური საქმიანობისათვის, საშუალო წლიური საბალანსო ნარჩენი ღირებულების (გამოიანგარიშება კალენდარული წლის დასაწყისისა და წლის ბოლოსათვის აქტივების საშუალო ღირებულების მიხედვით) 0.01%-ის ოდენობით.

მუხლი 5.

ფიზიკური პირის დასაბეგრ ქონებაზე (გარდა მიწისა) გადასახადის წლიური განაკვეთებია:

- ა) 100 000 ლარამდე შემოსავლის მქონე ოჯახებისათვის – საგადასახადო პერიოდის ბოლოსათვის დასაბეგრი ქონების საბაზრო ღირებულების 0.2 პროცენტი;
- ბ) 100 000 ლარის ან მეტი შემოსავლის მქონე ოჯახებისათვის – საგადასახადო პერიოდის ბოლოსათვის დასაბეგრი ქონების საბაზრო ღირებულების 0.8 პროცენტი.

მუხლი 6.

სასოფლო-სამეურნეო დანიშნულების მიწაზე ქონების გადასახადის წლიური განაკვეთებია:

- ა) საკარმიდამო მიწებისათვის: 87 ლარი ჰექტარზე.
- ბ) სამოვრებისთვის (ბუნებრივი, გაკულტურებული): 15 ლარი ჰექტარზე.
- გ) სათიბებისთვის (ბუნებრივი, გაკულტურებული): 20 ლარი ჰექტარზე.
- დ) სახნავი მიწებისთვის (კარგი, მწირი): 87 ლარი ჰექტარზე.
- ე) ყოფილი საკოლმეურნეო და საბჭოთა მეურნეობის ტყეებისთვის: 40 ლარი ჰექტარზე
- ვ) ავტოფარეხისათვის განკუთვნილი მიწის ნაკვეთი: 1 კვ.მ 0.25 ლარი

ზ) ბუნებრივი რესურსებით მოსარგებლე პირებისათვის შესაბამისი ლიცენზიის გაცემის საფუძველზე გამოყოფილი მიწებისათვის: 3 ლარი ჰექტარზე.

მუხლი 7.

ბუნებრივი რესურსებით მოსარგებლე პირისათვის შესაბამისი ლიცენზიის გაცემის საფუძველზე გამოყოფილი მიწების ერთ ჰექტარზე ქონების გადასახადის წლიური განაკვეთია 3 ლარი.

მუხლი 8.

1. არასასოფლო-სამეურნეო დანიშნულების მიწაზე ქონების ერთ კვადრატულ მეტრზე წლიური გადასახადის განაკვეთებია (მათ შორის, საქართველოს საგადასახადო კოდექსის მე-60 მუხლის მე-2 ნაწილიდან გამომდინარე):

№	ტერიტორია (ზონირების მიხედვით)	საბაზისო განაკვეთი (ლარი)	ტერიტო- რიული კოეფიცი- ენტი	გადასახადი ს განაკვეთი (ლარი)
1	2	3	4	5
	ქ. ქობულეთის „ზურაბ ჟვანიას“ სახელობის ხიდიდან დავით აღმაშენებლის გამზირის ორივე (დასავლეთი მხარე ზღვის სანაპირომდე) მხარე მემედ აბაშიძისა და აღმაშენებლის გამზირის კვეთამდე, თამარ მეფის სანაპირო მთლიანად, თამარ მეფისა და აღმაშენებლის გამზირის დამაკავშირებელი ქუჩები და გადასასვლელები, თავისუფლების ქუჩა რკინიგზის გადასასვლელამდე, მეგობრობის ქუჩის ორივე მხარე, მემედ აბაშიძის ქუჩის ორივე მხარე (მათ შორის რკინიგზის ვაგზლის მოედანი), მემედ აბაშიძის ქუჩისა და რუსთაველის ქუჩების კვეთიდან მდინარე კინტრიშის ხიდამდე, დაბა ჩაქვის ტერიტორია რკინიგზის დასავლეთით ზღვის სანაპირომდე.	0.24	1.25	0.30
	ქ.ქობულეთის ადმინისტრაციული საზღვრიდან ე.წ. „სმეკალოვკა“-ის არხის გასწვრივ დასავლეთი მხარე თავისუფლების ქუჩას და აღმაშენებლის გამზირს შორის (პირველ ზონის საზღვრების გათვალისწინებით) მოქცეული ტერიტორიები (ქუჩები, გადასასვლელები, მოედნები, ჩიხები, სხვა ტერიტორიები და მიწები), რკინიგზის ხაზისა და თავისუფლების ქუჩის კვეთის დასავლეთი და სამხრეთ დასავლეთი მხარე პირველი ზონის საზღვრებამდე), კაიკაციშვილის ქუჩა რკინიგზის გადასასვლელიდან ქ.ქობულეთის ადმინისტრაციულ საზღვრამდე, მემედ აბაშიძისა და აღმაშენებლის ქუჩების კვეთიდან პირველი ზონის საზღვრების გათვალისწინებით დასავლეთი და სამხრეთ- დასავლეთი მხარე ზღვის სანაპირომდე ქ. ქობულეთის ადმინისტრაციულ საზღვრამდე. ციხისძირის თემის ტერიტორია. სენაკი-ფოთი-სარფის ავტომაგისტრალის დასავლეთი მხარე ზღვის სანაპირომდე, დაბა ჩაქვის ტერიტორიიდან თამარ მეფის ქუჩა მთლიანად დასავლეთი მხარე რკინიგზამდე.	0.24	0.75	0.18

<p>ქ.ქობულეთის ადმინისტრაციულ საზღვრებში მოქცეული სხვა დანარჩენი ტერიტორიები. მონაკვეთები, ქუჩები, ჩიხები, ქობულეთის მუნიციპალიტეტის ტერიტორია დაბებისა და სოფლების, დასახლებათა შორის არელების ის მონაკვეთები, რომლებიც არ აღინიშნება პირველ ზონაში და შუალედურ ზონაში</p>	<p>0.24</p>	<p>0.5</p>	<p>0.12</p>
---	--------------------	-------------------	--------------------

მუხლი 9.

საქართველოს საგადასახადო კოდექსის 206-ე მუხლის პირველი ნაწილის „გ“ ქვეპუნქტიდან გამომდინარე, შესაბამისი დასაბეგრი ობიექტის მიხედვით, ქონების გადასახადისგან გათავისუფლდეს:

საცხოვრებელ სახლებზე და ავტოფარეხებზე მიმაგრებული მიწის ნაკვეთები.

მუხლი 10.

„ქონების გადასახადის გამოანგარიშებისა და გადახდის წესი, შესაბამისი დაბეგვრის ობიექტის მიხედვით ქონების გადასახადისაგან გათავისუფლებული ქონების სახეები დადგენილია საქართველოს საგადასახადო კოდექსის 205-ე და 206-ე მუხლებითა და ქობულეთისა და ანაკლიის თავისუფალი ტურისტული ზონების განვითარების ხელშეწყობის შესახებ“ საქართველოს კანონით.“